


आयदा 4

फिसा फिसा आगानफोर




सिनायथि



339CH04

जाफुंसारनायनि राहाया जाबाय थांखि थि खालामनाय आरो मोनफुंनाय । बिदिन्थि बायदियै, 10 सेकेन्डनि थाखाय थकटा हमनानै, मोनसे आथिंआव 2-5 सेकेन्डनि थाखाय समानथि खालामना, से मिनिटनि थाखाय एंगार । साफ्रोम सुबुडानो गावसोरनि गोनांथिनि सायाव सोनारना गुबुन-गुबुन थांखिफोर थायो, नाथाय माखासे थांखिफोर दं जायखौ जो बयबो मोनफुंनो नाजानांगौ । बे आयदायाव, जो समानथि लाखिनाय आरो गोख्रो जानायाव गावारि थांखिफोरखौ थि खालामगोन आरो मोनफुंगोन ।





बि.एम 19

लावथिखौ दबथायनाय

गोनां मुवा

लावथि ।

माबोरै गेलेनो

- गेलेग्रा जायगायाव मोनसे रैखाथि गोनां जायगा नागिर ।
- नौनि फोरोगिरिनिफ्राय गंसे लावथि ला आरो नौनि थांखिखौ थि खालाम ।
- लावथिखौ गावनि आखाइ थालायाव दोन आरो गोग्लैयाजासे गसंनो थाखाय बेखौ दबथायना ला ।
- नौं माब्ला दबथायनानै लानो हायो बेखौ लिरना दोन । खेबफ्रोमबो गावनि थांखि समखौ साबसिन खालामनो नाजा ।



फोरोगरिनि थाखाय रेबसुं



थांखि
समानथाय गोहो, सोलोआरि
साननाय, गिलिरथिजो एवा
हेंथा गिलिरथि सोलायनाय,
आरो थिरांथा लानाया
जौगाहोयो ।

सोलायनायफोर

- बेखौ थाखोनि फरायसाफोरजो मोनसे गेलेमु
महुरै गेले । जाय फरायसाया गोबाव समनि
थाखाय लावथिखौ समान्थि खालामो बियो
देरहायो ।

बेखननि सम

साफ्रोमबो गेलेगिरिया लावथिखौ
दबथायनो थाखाय मा खालामदोमोन बेखौ
सावराय ।

बि.एम 20

आवगालांबाय था ।

माबोरै गेलेनो

- गेलेग्रा जायगायाव मोनसे स्टार्ट लाइन आरो मोनसे फिनिश लाइन बो ।
- मोनब्रैनि हान्जाफोर दानाय । साथाम गेलेगिरिफोरा गावजों गाव आखाइ हमगोन आरो ब्रैथि फरायसाया गेजेराव थागोन ।
- थांखिया गासै हानजाखौ गेजेराव फरायसाखौ दांआजासे स्टार्ट लाइननिफ्राय फिनिश लाइनसिम लांनाय ।
- जाय हानजाया गिबियाव फिनिश लाइनसिम सौहैयो बियो देरहायो ।



जागायनाय



जोबना

फोरोगीरिनि थाखाय रेबसुं

थांखि
गोरोबलायनाय, मेलेमारि
गोहो आरो गोसो
हमथानायनि जौगाथाय ।

सोलायनायफोर

- गेजेरनि सानै गेलेगिरिफोरजों गेलेमुखौ गेले ।
- जेब्ला हानजा लोगोफोरनि फाफ्लियाव हमो अब्ला गेलेमुखौ गेले ।

बेंखननि सम
हाथरखि आरो हासथायनाय





बि.एम 21


नोंनि फोथारखौ हम ।

गोनां मुवा

दागोआरि फाउडार
देंखो दामगिरि

माबोरै गेलेनो

- हायाव मोनब्रै बाक्सु आखि । मोनसे थि जायगा मह्रै मोनफ्रोमबो बक्सुआ फोरोंगिरिजों बेखेवजानाय मोनसे रोखोमनि खामानिखौ दिन्थियो ।
- जेब्ल्ला फोरोंगिरिया देंखो दामो, अब्ला खार, बार, बाक्सुफोरनि सोरगिदिं थाबाय ।
- जेब्ल्लानो देंखोआ सि जायो, फरायसाफोरा बै बक्सुनि साजायनाय देहा मावफारिखौ दिन्थिफुडो जेराव बिसोरो थाथ'दोंमोन । जाय फरायसाफोरा 10 सेकेन्डनि बांसिन ब्याम खालामनो हायो, बिसोर उननि खोन्दोआव थाडो ।



फोरोंगिरिनि थाखाय रेबसुं



थांखि
सोलायनाय
थासारिफोराव
अंगफोरनि हेफाजाबजों
दिदोम थानो हानाय
गोहोखौ जौगाहोनाय ।

सोलायनायफोर

- मोननै थि जायगाफोराव जागायजेन आरो लासै-लासै थि जायगाफोरनि अनजिमाखौ बांहे ।
- हमथानायनि थांखिखौ 10 सेकेन्डनि बांसिन खालाम ।

बेंखननि सम

हाथरखि आरो हासथायनाय

बि.एम 22

थखता दाब्ले

गोनां मुवा

दाहारा (खारफेट)

माबोरै गेलेनो

- गावनि उदैजों उन्दुना था ।
- गावनि आखान्थिनि हेफाजाबजों,गावनि देहाखौ ओरैबायदि दैखां दि देहाया हाजों समान समान जायो, हान्थुआ थोंगोर जायो आरो गाहायनि देहाया आर्थिनि आसिआव थायो ।
- जेसेबां हायो गोबाव समसिम देहाखौ एखे थासारियाव लाखिनो नाजा । समनि मोनसे रेबखांलाय दोन ।



फोरोगिरिनि थाखाय रेबसुं



थाखि
गुबै मोदोम-रोदा,
गोसोआरि गोहो आरो
गोसोनि गोहोखौ
जौगाहोनाय ।

सोलायनायफोर

- हान्थुजों जागायजेनदो, हायाव उनदुयब आरो लासै-लासै सिगाथिं दावगालां ।
- 2 सेकेन्दनिफ्राय जागायनानै 10 सेकेन्दसिम दोरोदलानानै समखौ गोरोबहो ।

बेखननि सम

देहानि बै जायगाफोरखौ
सिनायथि खालाम जेराव नोंडो
नारसिनायखौ मोन्दांदोंमोन ।



बि.एम 23


न'खौ नागिर

गोनां मुवा

सोरनि दुलुर आसान

माबेरै गेलेनो

- मोनसे गिदिर बेंखन सिन बो आरो बेनि सिडाव सोरनि दुलुर आसान दोन । दुलुर आसाननि अनजिमाया गेलेगिरिफोरनि अनजिमानिफ्राय खमसिन जानांगौ ।
- गेलेनाया रिफारि सुनायजों जागायजेनो । फरायसाफोरा गिदिर बेंखननि सोरगिदिं खारनो एबा बाज्जलनो हमो ।
- नैथि रिफारि सुनायाव, फरायसाफोरा बेंखन सिडाव दोननाय सोरनि आसानाव बारनांगौ ।
- जाय-जाया सोरनि आसानाव मोना बिसोरखौ एंगारनाय जागोन ।
- दा, नैथि खोन्दोनि थाखाय सोरनि आसानखौ खम खालाम, आरो गेलेनाया जागायफिनबाय थागोन जेब्लासिम सासेल' गेलेगिरि थायो ।



फोरोगिरिनि थाखाय रेबसुं



थांखि
गोसोआरि गोखोंथि,
थिरांथा लानाय आरो गोखै
फिनजाथाय सम होनाय ।

सोलायनायफोर

- बेंखननि सोरगिदिं खारनाय समाव गुबुन-गुबुन जुनारफोरनि सोमावसारनायखौ बाहाय ।
- मोनसे बेंखननि सोरगिदिं गेलेगिरिफोरनि अनजिमा आरो सोरनि दुलुर आसान अनजिमाया बायदि रोखोमनि जानो हागौ ।

बेंखननि सम
हाथरखि आरो हास्थायनाय



बि.एम 24


सुखे-पुलिस

गोनां मुवा

दागोआरि पाउडार

बल एबा जायखिजाया गुबुन बेसाद





माबोरै गेलेयो

- जायगाखौ मोननै बाहागोआव रान आरो गेलेग्रा जायगानि मिरुआव मोनसे बेसादखौ दोन ।
- सासे फरायसाया पुलिस बेंग्रा जागोन आरो गुबुनफोरा सिखाव जागोन जाय मिरुनिफ्राय बेसादखौ लानो नाजायो ।
- सिखावफोरा मिरुआव बेसादनि मोखां जानानै मोनसे लाइनआव गसंगोन । बेंग्राआ बेसादनिफ्राय गोजानाव गसंना थागोन ।
- जेब्ला बेंग्राआ गोजानाव नायबाय थायो अब्ला सिखावफोरा बेसादनि फारसे आवगायलाडो । जेब्ला बेंग्राआ हानजानि फारसे गिदिडो, अब्ला गेलेगिरिफोरा बरफ लाथा मुसुखाफोर बायदि जानांगौ ।
- जाय खारबाय थानायखौ हमगोन बिरखौ बखनाय जागोन । गेलेमुआ सोलिबाय थागोन जेब्लासिम सोरबा बेसादखौ खावना लाया गेलेमुआ सोलिबाय थागोन । बै सुबुडा उननि गार्ड जायो !!

फोरोगिरिनि थाखाय रेबसुं



थांखि
सानगोहो रेंगथिफोर,
समानथाय आरो
गोरोबलायनाय आरो
मेलेमारि हाबाखौ बांहोनाय ।

सोलायनायफोर

- गुबुन गुबुन जुनारफोर बायदि दोरोदनो नाजा ।
- मुवाफोर आरो बेंग्राफोरनि अनजिमाखौ बांहोना हायो ।

बेंखननि सम
हाथरखि आरो हास्थायनाय




बि.एम 25


थांलाय फैलाय खारनाय

गोनां मुवा

सोरनि आसान

गुरै बलफोर





माबोरै गेलेनो

- मोननै सारिफोरखौ दागो हो आरो मोननैबो सारियाव सोरनि आसान दोन । गोजान सारियाव मोनफ्रोम सोरनि आसानाव थोबत्रै बल दोन ।
- सात्रै सोद्रोमाफोरनि हानजाफोर दाना ला । हानजाफोरा लांदां सोर आसाननि उननि सारियाव गसंना थायो, बेखौ जागायजेननाय बिन्दो महुरै सिनायथिनाय जायो ।
- गेलेनाया रिफारि सुनायजो जागायजेनो । मोनफ्रोम हानजानि गिबिसिन गेलेगिरिया एंगारलाडो (गराय बायदि सोमावसारनाय) आरो सोरनि आसाननिफ्राय मोनसे बल लायनो थाखाय जोबथा गोजानाव थाडो ।
- सोरनि आसाननिफ्राय बलखौ दैखानायनि उनाव, गेलेगिरिया जागायजेननाय सारियाव फैफिनो आरो बलखौ गावसोरनि हानजानि सोरनि सारिआव गारहैयो ।
- जेब्लानो सिगांनि गेलेगिरिया सोरनि आसानआव बलखौ गारो मोनफ्रोम हानजानि उननि गेलेगिरिया अब्लानो गोमजोरै खारनो जागायजेनो । गेलेनाया सोलिबाय थायो जेब्लासिम सात्रैबो गेलेगिरिफोरा बलखौ नागारो आरो बलखौ जोबथा जायगा सोरनि आसाननिफ्राय लाबोयो ।
- जाय हानजाया गिबिसिन फोजोबो, बियो गेलेनायखौ देरहायो ।

फोरैगिरिनि थाखाय रेबसुं

थांखि
मावथि आखु, गोरोबलायनाय
गोहोनि जौगाथाय ।

सोलायनायफोर

- थाबायना फैफिननो थाखाय बिखु फिदिं ।
- गेलेग्रा जायगायाव गोबां बादा होनाय दाजाबदेरनो हायो ।


बेखननि सम
हाथरखि आरो हास्थायनाय



बि.एम 26

एरायखेना

रैखाथियाव थां





माबोरै गेलेनो

- मोननै हान्जा खालाम । हायाव मोनथाम सारि दागो बो - जागायजेननाय सारि, मिरु सिन आरो जोबनाय सारि ।
- खारग्राफोरनि मोनसे हानजाया जागायजेननाय सारियाव गसंगोन आरो उन उन होसोग्रा गुबुन हानजाया मिरु सारियाव गसंगोन ।
- खारग्राफोरा खारनांगोन आरो उन उन खारग्राफोरखौ नानो हायै बायदि गोख्रै खालामनांगोन आरो दांजाया एबा हमजायाजासे जोबथा सारिसिम सौहैनांगोन ।
- जोबथानाय सारिआव सौहैनाय सुबुंफोरनि अनजिमाया बै हानजाजों खालामजानाय अनजिमानि अनजिमा जागोन ।
- आरो दानिया बिफावफोरखौ सोलायना आरोबाव गेलेफिन ।

फोरोगिरिनि थाखाय रेबसुं



थांखि
गोख्रै फिनजाथाय सम, गोख्रैथि,
गोरोबलायनाय गोहो आरो सोलायस्लुथिनि
जौगाथाय ।

सोलायनायफोर

- जागायजेननाय सारिनिफ्राय खारनाय समाव
खामानिखौ सोलाय सोल' खालाम ।

बेंखननि सम

हाथरखि आरो हास्थायनाय




बि. एम 27

टिखा विजयाटे

गोनां मुवा

बेराम आरो

टिखा सिथाबनायफोर





माबोरै गेलेनो

- थाखोरखौ मोननै हान्जायाव बोखाव- मोनसेखौ बेराम गोनां हानजा होनना मिन्थिनाय जायो आरो गुबुन मोनसेखौ टिका हानजा होनना मिन्थिनाय जायो ।
- माखासे बेरामफोरनि मुंफोरखौ लेखा बिलायाव लिर आरो बेफोरखौ बेराम हानजानि गेलेगिरिफोरनि बिखुंयाव सिथाबनानै हो ।
- बै बेरामफोरनि थाखाय टिकाफोरनि मुंफोरखौ गांसे लेखा बिलायाव लिर आरो बेफोरखौ टिका हानजानि गेलेगिरिफोरनि बिखुंयाव सिथाबनानै हो ।
- रिफारि सुनानै गेलेनाया जागायजेनो । टिका हानजानि गेलेगिरिफोरा गावसोरनि टिकाफोरजों फाहामजानाय सोमोन्दो गोनां बेरामफोरखौ हमनो नाजायो ।
- बै समखौ नोजोर हो जेराव बेराम हानजानि गासैबो गेलेगिरिफोरा टिका हानजाजों हमजायो ।
- बिफावफोरखौ उल्था खालाम । बेराम हानजानि गेलेगिरिफोरा सोमोन्दो गोनां टिका सोद्रोमाखौ हमनो हायो ।
- गासैबो टिकानि सोद्रोमाफोरखौ हमनो थाखाय बेराम हानजाया लानाय समखौ नोजोर हो । खमसिन सम लानाय हानजाफोरा देरहायो ।

फोरोगिरिनि थाखाय रेबसुं



थाखि

होबथानो हानाय गोहो आरो टिकाहोनायनि फारसे सांग्रांथिखौ मिथिनाय एबा जौगाहोनाय, सौनायनि गिनांगौखौ एंगारनाय ।

बेखननि सम

गुबुन-गुबुन रोखोमनि बेरामफोर आरो बेफोरनि टिकाफोरखौ सावराय ।

© NCERT
not to be republished